



an 20  
27

DISSERTATIO INAUGVRALIS MEDICA  
EXHIBENS  
**OBSERVATIONEM**

DE  
INFLAMMATIONE PEDIS ET ABSCESSV  
FEMORIS  
SVB CVRATIONE FRACTVRAE FIBVLAE ORTIS

---

---

QVAM  
P R A E S I D E  
MAGNIFICO FRIDERICIANAE PRORECTORE  
VIRO ILLVSTRI, EXCELLENTISSIMO ET EXPERIENTISSIMO  
D O M I N O  
**FRID. CHRISTIANO IVNCKERO**

MEDICINAE DOCTORE ET PROF. PVBL. ORD.  
PAEDAG. REG. ET ORPHANOTR. HALENS. MEDICO PRACTICO  
CONSTITVTO

**PRO GRADV DOCTORIS**  
SVMMISQVE IN MEDICINA HONORIBVS AC PRIVILEGIIS  
DOCTORALIBVS RITE OBTINENDIS  
DIE XIII. NOVEMBR. A. R. I. c<sup>o</sup> Id<sup>o</sup> cclxix.

H. L. Q. C.

PVBLICE DEFENDET

A V C T O R  
**IOANNES CAROLVS KOCK**

PALAEO-SEDINENSIS POMERANVS.

\*\*\*\*\*  
HALAE AD SALAM, AERE STEPHANIANO.







AVO OPTIMO  
**IOANNI BIRCKHOLTZ**

MEDICINAE DOCTORI CELEBERRIMO

MEDICO AVLAE REGIAE PRUSSICAE ET PHYSICO CIVITATIS

ARENDSWALDENSIS EIVSQVE CIRCVLI PRACTICO

LONGE MERITISSIMO FELICISSIMO.

RECEIVED BY THE LIBRARY OF THE  
UNIVERSITY OF SACHSEN-ANHALT





SPECIMEN HOCCE INAVGVRALE

D. D. D.

IOANNES CAROLVS KOCK.





Quam Tecum, beneuole Lector, communicaturus sum obseruationem, ab ipso aegrotto, Parenti optimo, pro cuius incolumitate perenni et constanti pia vota hac occasione nuncupo, accepi, tam accurate delineatam, quam a medico in se ipso morbum obseruante exspectari potest. Noui equidem non eiusmodi esse, vt noua luce naturam morborum in illa descriptorum compleat, attamen mecum conuenies, res

A 3

quas-



quasdam notatu dignas inde suppeditari, in quarum  
explicatione virium mearum periculum facere liceat.  
Quapropter minime in me suscipio, totum mor-  
bum eiusque curam e veris principiis pathologicis  
et therapeuticis diiudicare, sed solummodo in ex-  
ponendo ortu inflammationis et abscessus, qui sub  
curatione fracturae fibulae aegrum vexarunt, non-  
nullisque momentis ad remediorum adhibitorum di-  
iudicationem facientibus versari mihi propositum est.  
Nec absque est vtilitate, quae in genere de morbis  
eorumque cura in scientia medica docentur, cum  
illis quae in singulis aegris obseruantur, conferre,  
cum hac ratione pluribus veritatibus iustos limites  
ponere, et recte dein eas applicare discamus,

Caeterum vale, et iuuenili labori  
aequus faue.

DISSER.



DISSERTATIO INAUGVRALIS MEDICA

EXHIBENS

OBSERVATIONEM

DE

INFLAMMATIONE PEDIS ET ABSCESSV  
FEMORIS SVB CVRATIONE FRACTVRAE  
FIBVLAE ORTIS.

§. I.

C A S V S.



Vir quinquaginta trium annorum, temperamenti sanguineo-cholerici, habitus corporis laxi, et quoad externa signa optima valetudine, bonisque humoribus gaudens, tempore hiemali pede fallente in glacie, duos pollices supra maleolum externum, fracturam fibulae lapsu patitur. Aduocantur statim chirurgi, ingenio atque arte celebres, qui membri fracti deligationem secundum regulas artis instituunt. Cum haud absque vtilitate sit pedem in situm rectum erigere, vt extrema ossis fracti semper in eadem maneat extensione, si imprimis, vti in praesenti casu, fractura obliqua est, ferulam plantae pedis applicare solent, ligamentis ad lectulum stramineum firmandam. Quia autem infima pars lectifuleri altis asseribus instructa erat, satis esse credebatur, pedis nisum illis excipere, quapropter multa puluinaria interponebantur, simul autem ne dolores ob erectum situm pedis aegrotum vexarent, fascia



scia ad mentem Heisteri in duo capita voluta, ita tendi-  
 ni Achillis substernebatur, vt intra ambo capita ad latera  
 eiusdem posita, quiescere posset. Quod etiam ita votis  
 responfit, vt neque dolor, neque inflammatio in hoc  
 loco orta sit. In planta pedis autem vehementis ardoris  
 sensus excitatus fuit, et paulatim dolores ad facuitem  
 vsque increuerunt. Attamen nullam inflammationem  
 externe conspiciere licuit. Hypocaustum quamquam  
 haud nimis calefactum, nec lectum prope a fornace erat,  
 tamen puluinaria ad imminuendum calorem reponeban-  
 tur, ac ferula plantae pedis subligabatur, sed nihilomi-  
 nus dolores ad diem duodecimum vsque ita augebantur,  
 vt aeger vix quartam horis partem quiete ac somno frui  
 posset. Summa interea cum patientia hocce tulit nec  
 villo modo situm pedis mutauit. Cum igitur aegroto  
 se nusquam mouente, fasciae firmitatem suam conserua-  
 rent, decimo tertio demum die prima vice deligatio  
 mutata fuit. Dolor in planta pedis nocte superiori  
 haud parum remiserat, et nunc caussa eiusdem sub deli-  
 gatione fortuito deprehendebatur. Chirurgus nempe  
 pedem extendens locum quemdam in pede pollice tan-  
 gebat aegroto dolorificum et maiori adhibita attentione  
 color niger in eodem loco sub cute et fluctuans quaedam  
 materia premendo conspiciebatur. Facta incisione se-  
 rum instar loturae carnis effluebat; parsque diametris  
 duorum pollicum nigra, et sine villo, nisi valde pre-  
 meretur, sensu, in adspcctum veniebat. Loca in qui-  
 bus serum sanguinolentum collectum fuerat, sed non-  
 dum nigra facta, adhibitis vsitatis remediis breui ad fa-  
 nitatem perducebantur, in parte autem sphacelosa sca-  
 rificatio necessaria videbatur. Cum autem aegrotus  
 fun-



operationis dolores adhorreret, et putredo non tam profunda putaretur, medicamentis fortiter irritantibus et antiputredinosi suppurationem producere tentatum est; erant haecce: Spiritus Terebinth. Essent. balsamica, Vnguent. digestiu. quod adhuc cum Essent. balsamico et Camphora compositi; sed frustra. Manebat siccitas, et insensibilitas partis affectae, quamuis non ad vicina loca sphacelus sese extendere videretur. Nul- lum ergo reliquum erat auxilium, nisi separatio mortui a sano ope cultri; qua facta elucebat, sphacelum multo esse profundiorum ac putatum fuit. Summa dein cum diligentia, omne quod nigrum separebatur vsque ad pinguedinem albam, etsi nondum viuum in conspectum prodiret, metuebat enim chirurgus, ne capsula tendi- nea denudaretur, ab altera parte spem sibi faciens, quod ita sufficiat ad suppurationem, per quam reliquae impuritates exterminari possent. Attamen nulla sup- puratio obtineri potuit, quamuis vsus supradictorum medicamentorum octo dies adhuc continuebatur. Illis igitur reiectis, solummodo vnguentum digestiuum, cui pulueres Croci, Mastichis, Myrrhae atque Olibani ad- mixti erant, imponebatur. Tunc bona oritur suppu- ratio, vulnus fit sensibile, mortuum separatur, et ex pinguedine papillae carnae prodeunt. Vulnere per- fecte mundificato adplicatur emplastrum consolidans nosocomis castrensis prussicis vsitatum, cuius ope, sine vlla cicatrice etsi satis profundum esset, consana- tur. Cum aegrotus vti antea dictum, semper eundem situm corporis seruare studeret, factum est, vt iam duo- decimum ante diem in partibus a cubando compressis

B

exco-



excoriatio nata fuerit; quod vt imposterum praecaueret, corium quod luchten vocant, corpori supponebat et finem sibi propositum, consecutus est. Omnis vulnerata pars cutis breui tempore in integrum restituebatur, nihilque remanebat nisi vlcusculum, magnitudinis pisi, eschera obductum et parum dolens, quam ob rem parui aestimabatur. Die autem primo et vigesimo, continua compressione a corio facta irritatum, valdopere dolere et increfcere incipiebat; ita vt furunculi speciem referret. Qua de causa, emplastrum Diachylon c. gummatibus imponebatur: sed quamuis simul cataplasmata applicata fuerint, non solum non emolliebatur, sed etiam tantam assequabatur magnitudinem inflammatio, vt per omnem fere se expanderet femorem superiorem partem. Accessit febris tam fortis cum diarrhoeis ac sudoribus colliquatiuis, vt aeger haud parum in periculo verfaretur. Praetermissis igitur emplastro ac cataplasmatibus, adhibebatur balsamus polychrestus saturninus, quo statim imminuebatur dolorum vehementia, furunculus emolliebatur, et magna copia puris, cui sanguis admixtus erat, emanabat. Cauum etsi magnitudinis ouuli existeret, sinusque valde profundi, tum versus loca vicina superiora essent, tum versus perinaeum, nihilominus omne facile consanabatur, nec sinus cultro aperire necesse erat, solo huius balsami vsu sufficiente. Quia in lapsu magna facta erat extenuatio ac compressio in articulatione, nec non fracturam ipsam extrauasatum circumdare solet; semper fasciae et articulatio humectabantur aqua sclopetaria, ex aceto spiritu vini, sacharo, Sale amoniaco et oleo vitrioli parata. Obtinebatur tali modo resolutio extrauasati, simulque ligamentorum robur.





E P I C R I S I S.

§. II.

Morbum in casu modo descripto, ex fractura fibulae, accedente inflammatione in planta pedis et apostemate sinuoso furunculoque in femore complicatum fuisse, ex historia ipsa elucet, quae signa pathognomica cuiusvis morbi enarrat; quam ob rem meum erit, singulos hosce morbos idiopathicos perpendere, causas euoluere, nexum quem inter se habuerunt, demonstrare, nec non remediorum illis adhibitorum rationem reddere.

§. III.

Fractura fibulae a lapsu orta, cum nec composita fuerit, nec quid notatu dignum, protulerit, ne sim nimis longus, pathologicam eius considerationem silentio praeterire necesse erit.

§. IV.

Inflammationem in planta pedis adfuisse, quamquam externe illam conspicerere non licuit, dolor ardens in dicta parte perceptus, nec non sphacelus, qui subsequenti tempore sensibus se manifestavit, satis testantur. Quod autem nec rubor nec tumor in conspectum venerit, a callosa epidermide facile explicari poterit. Vti enim densitas eius impediuit, quo minus ruber sanguinis congesti color perluceret, ita rigiditate sua extensio-



tensioni, quae si tumor oriri debuisset, necessaria fuisset, obstaculum posuit.

## §. V.

Inter diuersas causas inflammationem determinantes, pertinet praecipue impeditus sanguinis refluxus. Inde enim oritur magna eius in vasis coaceruatio, validior ob maiorem copiam actio in vasa, nec non distensio ac irritatio, qua vehemens eorum vibratio efficiatur, necesse est.

## §. VI.

Statum aegroti perpendenti, non difficile erit perficere impeditum sanguinis e pede refluxum, causam inflammationis in praesenti casu suppeditare. Quicumque enim deligationis in cura fibulae fractae eligatur apparatus, fieri non potest, quin aliqualis compressio partibus mollibus et inprimis venis inferatur, igiturque liberior sanguinis ab extremitatibus reditus, qui per se in his partibus lentior est, supprimatur. Accedit, quod nifus totius corporis plantam pedis, contra lectifulcrum presserit, et si etiam ob puluinaria interposita molliter hoc factum sit. Quibus causis eo plus tribuendum est, quo constantior aeger fuit in conseruando aequali pedis situ et quo longiori tempore prima deligatione vsus est. Nullus autem nego, calorem nimium a puluinariis accensum, quo pes continuo fatus fuit, ad inflammationis ortum contribuisse.

## §. VII.



§. VII.

Inflammationem in gangraenam et sphacelum transisse ex obseruatione intelligitur. Cuius exitus causas facile deducet, qui considerat primo locum inflammatum, qui in tunica adiposa inuentus est; qua nulla pars magis gangraenae est obnoxia. Conf. Platner. Inst. Chirurg. §. 56. Secundo causam inflammationis remotam, nimirum impeditum sanguinis e pede refluxum, non sublatum esse, quare discussio euenire non potuit, cum praeterea nulla remedia hunc in finem adhibita fuerint; potius magis magis magisque increvit stasis inflammatoria; tertio suppurationem rigiditate epidermidos impeditam fuisse; quarto cum difflatio partis aquosae sanguinis stagnantis ob callosam epidermidem succedere non potuerit, schirrhum in praesenti casu locum non inuenisse. Quodsi autem inflammatio neque per discussionem, neque per suppurationem, neque per schirrhum soluitur nullus alius exitus praeter illum, qui gangraena fit, restat.

§. VIII.

A gangraena putredinem partium solidarum gigni nisi natura vel ars illi resistat, ex principiis pathologicis constat. Tunc autem suppuratio necessaria fuisse, quae tamen per §. anteced. impossibilis erat. Quid mirum igitur sphacelum e gangraena ortum esse.

§. IX.

Quod si quae de ortu inflammationis et inde nato sphacelo proposuimus, cum reliquo statu aegri comparantur,



14 *Exhibens obseruat. de inflammat. pedis et abscessu femoris*

rantur, satis elucet, inter illos morbos et fracturam fibulae nullum essentialem nexum inueniri, sed ad curationem huius vt causam illorum respiciendum esse.

§. X.

Conuerto me iam ad femoris laesionem; cutem a frictione, quam a lecto sub decubitu per plures dies aequali ratione continuato perpeffa est, excoriatam fuisse, haud mirum est. Eiusmodi autem excoriationes ansam praebent, vt crusta in externa superficie corporis nascatur, nec raro accidit, sub illa crusta, si leuis inflammatio cutis adhuc remanet, purulentam materiam colligi, quae, nisi elicitur, partes subiacentes arrodit et in tela cellulosa sinus fodit. Sic in praesenti casu paruus abscessus in femore ortus, subsequenti tempore vlcus sinuosum exhibuit.

§. XI.

Nec negandum erit, eandem frictionem in causa esse potuisse, quod sanguinis quaedam extravasatio intra cutis texturam contingeret. Cuius autem extravasati sanguinis guttulae vascula circumiacentia comprimunt, ita in pertinacem humorum efficiunt, tuberculum gignunt atro rubentem valde inflammatum, quod non multum puris praeparat, idque eleuato apice atque rupto cum sanguine simul effundit, et hac ratione inflammationis, perfectae suppurationi ob duritiem renitentis discussionem efficit: furunculum nominare solent. (Conf. Platn. l. c. §. 102, 103.) Quae mihi sufficere





ficere videntur ad explicandum furunculum in externa femoris facie obuium, et vlcus sinuosum intus magis serpens, tegentem.

## §. XII.

Quodsi tamen perpendis, inflammationem et sphacelum pedis hos femoris morbos antecessisse, digestionem ob defectum motus muscularis, cui aeger iam adfuetus fuit, et ob perpetuos dolores labefactam fuisse, necessariam corpori defuisse somni quietem, plures causas corruptionis humorum et ad putredinem dispositionis illorum existisse, non inficias ibis. Hinc autem vlcus sinuosum ac furunculum incrementum cepisse, necesse est.

## §. XIII.

Reliquum tandem est, vt grauia illa symptomata, quae vlcus atque furunculus excitarunt, febrem diarrhoeam et sudores colliquatiuos paucis illustrem. Cum pus in abscessu per plures dies relictum fuerit, attenuatum est et acre factum. Vasa erosa illud dein absorberunt, et miscuerunt sanguini. Putredo ergo sanguinis, ad quam iam ille dispositus fuit, (per §. anteced.) nata febrem induxit, per dolores furunculi auctam et haud leue periculum vitae inferentem. Dissolutiones autem humorum putridae, imprimis si febris simul adest, causam diarrhoeae atque sudoris colliquatiui suppetidare, ex principiis pathologiae facile quilibet deducet. Simili etiam ratione de ortu colici doloris iudicandum est.

## §. XIV.



## §. XIV.

Cum igitur status tantummodo aegroti externus et sphacelus pedis causas morborum in femore obuiorum indeque productorum acerbiorum symptomatum in se contineat, proprius nexus inter illa et fracturam fibulae locum non inuenit.

## §. XV.

Quoniam nunc ergo totum morbum quoad suam originem speciatim perspeximus, ad curationis quaedam momenta progrediamur.

## §. XVI.

Cum curatio fracturae ossis nil singulare in se contineat, sed secundum usitatas artis regulas instituta sit, omnem fere praetermissurus essem, nisi id primo monendum habeam; minus tutum esse plantam pedis ut in situ erecto retineatur lectifuleri crepidine, quae pedibus obuersa est, excipere et interpositis puluinaribus eam munire. (§. I.) Sed ferulam ex charta multiplici conglutinata confectam, huic fini optime satis facere: Secundo cauendum esse, ne vasa venosa nimis constringantur fasciis, eoque sanguinis refluxus impediatur. Quodsi autem hanc regulam minus obseruare liceret, sanguinis missionem, imprimis in corpore sanguineo, commendandam esse.

## §. XVII.



## §. XVII.

Quoad sphaceli curationem, ex historia morbi apparet, cum aeger leue et minus profundum vitium subsumeret, omiffam esse in initio scarificationem, qua tamen opus fuisse, postea iudicare licuit. Nec mirum igitur medicamenta primo applicata, separationem mortui a viuo efficere non valuisse. Neceffe igitur fuit scalpello in hunc finem vti, quo etfi maxima pars mortui separabatur, chirurgus tamen, ne capsula tendinea plane denudetur, et dolores inde excitentur, nec profundae cicatrices oriantur, nec denudati tendines nimis rigidi fiant vel coalescant, omnem pinguedinem excindere renuit, suppurationem praesto fore sperans ad reliquias carnis mortuae auferendas. Quid est autem quod continuato dein vsu medicamentorum valde irritantium nulla suppuratio euenerit, sed adhibitis demum digestiuis et lenioribus irritantibus producta sit? Si consideramus vasa in planta pedis perquam rigida esse et a compressione, quam a crusta sphacelosa per plures dies perpessa sunt, eorum rigiditatem adhuc auctam fuisse, idque propter pus rite moueri non potuisse, statim elucet, medicamenta, quae vasa molliunt et laxant, in maturando pure plus valuisse, illis quae siccant et calefaciunt. Peracta autem necessaria suppuratione emplastrum consolidans, cuius vsus in nosocomijs exercituum prussicorum tam frequens est, ad perficiendam consolidationem in auxilium vocabatur. Componitur ex pulueris lapidis calaminaris libris x. lythargyri, cerussae aa libris v, olibani vnciis v. mastiches vnciis x. olei oliuarum libris vi.

C

§. XVIII.



## §. XVIII.

Vt in furunculo pus moueretur emplastrum diachylon cum gummatibus et cataplasmata emollientia apposita sunt. Nihilominus tamen durities non solum non remittit, sed etiam volumen magis magisque increuit. Quodsi iam quaeris, cur emollientia in hoc casu tam parum praestiterint, immo potius deteriore rem fecerint, cum tamen in omni fere furunculorum curatione tantae vtilitatis sint, (conf. Platn. l. c. §. 104.) mihi quidem videtur fieri nonnunquam posse, vt vberiori humorum copia affluente, haec ipsa emollientium applicatione augeatur, eaque ratione durities, volumen et inflammatio, quae si nimis vehemens est, puris generationem haud adiuuat, sed impedit, nouum capiant incrementum; cogitanti autem, vlcus sinuosum sub furunculo latitasse, dubium non erit, magnam humorum confectionem versus partem affectam determinatam fuisse. In eiusmodi igitur furunculi vel cuiuscunque abscessus constitutione eo nitendum est, vt humores eo conuergentes auertantur, et illi, qui iam intuberculo haerent, et vasa valide distendunt, resoluantur et discutiantur. Quod vt efficiamus medicamenta resoluentia et irritantia nec non repercutientia in auxilium vocare conuenit, additis tamen emollientibus, vt eo citius facta quadam humorum discussione, suppuratio contingat. Haec fuit ratio quod balsamus polychrestus saturninus quippe qui ex eiusmodi remediis compositus, in praesenti casu adhibitus fuerit, cuius egregiam virtutem etiam optatus euentus satis testatus est. Cum forte sint, quibus huius medicamenti compositio minus



minus sit cognita eam hic indicare placet. Conficitur nimirum ille balsamus e cerae flavae unciis III. drachmis VI. olei raparum unciis VI. drachmis VI. camphorae uncia una, sachari saturni in sufficiente quantitate aceti soluendi drachmis VI. Cuius continuato usu, dilatatio sinuum superuacanea facta est, perfecta consolidatione eueniente.

§. XIX.

Haec sunt quae de nonnullis momentis suppeditatae obseruationis pro virium mearum exiguitate dicenda habui, quibus paucas tantummodo annotatiunculas annectere liceat.

I. Quod saepissime historia medica docet, hoc etiam exemplo confirmatum videmus, leues nonnunquam morbos videri, periculosissima mox inferentes mala. Quis enim putasset, vlcusculum magnitudinis pisi in femore natum, tam profundos sinus fossurum, et febrem et excretiones colliquatius producturum fuisse?

II. Ardentes dolores, etsi nullus tumor et rubor eos concomitetur, ab inflammatione latente ortum ducere possunt, idque propter maximam attentionem sibi vindicant.

III. Negant nonnulli in vulneribus e pinguedine papillas carneas propullare, quod tamen ita se habere, obseruatio egregie testatur.

C 2

IV. Emol-





20 *Exhibens obseruat. de inflammat. pedis et abscessu femoris etc.*

IV. Emollientia sola apostematibus et furunculis applicata, nonnunquam incremento mali ansam praebent, cum e contra discutientia et ipsa refrigerantia emollientibus addita in furunculorum curatione multum utilitatis praestent, maturationem eorum ac rupturam adiuuantia, si imprimis nimia humorum copia ad illa congeritur.

V. Balsamus polychrestus saturninus non solum in praesenti casu, sed in sexcentum aliis aegrotis, egregiam suam virtutem satis probauit. In inflammationibus mammarum statim ab initio adhibitus, statim discutiendo insignem fert opem. Quodsi autem ad suppurationem inclinat morbus, tam eam promouet, quam citam dein consolidationem producit.

VI. Ad praecauendam excoriationem cutis aegrotantium, commodissimum statuendum est, corium, quod luchten vocant, aegroti corpori substernere. Aliae enim corii species facile plicantur, praesertim si sudore humidae fiunt.

VII. In situ pedis fulciendo fascia Heisteri supra descripta, cum minimum dolorem faciat, prae reliquis remediis in hunc finem adhibendis palmam habere videtur. Sed loci, quo ponenda, curam geramus. Debet enim ita subiici tendini Achillis ut ab ipso lectulo stramineo adhuc excipiatur, et ipse tendo inter eius capita fere liber sit.

F I N I S.

PRAE-



PRAENOBILISSIMO  
DOMINO CANDIDATO

s.

D. IO. FRIDER. GOTL. GOLDHAGEN

PROF. MED.

**N**on consuetudinis causa, sed ut amicitiae meae erga TE habeas testimonium, has TIBI scribo litteras. Ut enim lubentissime officiis defungor omnibus, quae mea erga amicos studia declarare queant; ita studiosissime id agam, ut discipulorum laetitia e laudabili vitae academicae exitu capiendae participes videar. Quod tamen praesertim TIBI, qui non solum omni et animi et ingenii virtutum genere excellere, easque singulari

C 3

indu-



industria excolere studueris, sed etiam amicum morum integritate atque elegantia ornatum mihi semper exhibueris, me debere profiteor. Quapropter nouos TIBI honores magna animi contentione TIBI ita gratulor, vt ad perpetuam felicitatem hunc TIBI aditum, TVO reique publicae bono et venerandi TVI patris gaudio, patefactum esse vclim. Itaque diuinis sub auspiciis bene prospereque TIBI eueniant omnia, vt viuas TIBI, patriae, aegrotis. Me autem, quod etiam TE facturum esse confido, amare pergas rogo.

Vale. Dab. in Frideric. d. x. Nouembr.

clo Io cclxix.

PRAE-



V I R O  
PRAENOBILISSIMO ATQVE DOCTISSIMO  
IOANNI CAROLO KOCK  
AMICORVM SVAVISSIMO.

S. P. D.

CAROLVS GEORGIVS GODOFR. GLAVE  
PALEO-SEDINENSIS IVR. STD.

**L**aetitia, qua aucta amici dignitas nos afficit, dulcissima est. Nemo, nisi aut leuis animus dissimulandi simulandique artibus exercitatus, aut niger inuidusque, illam sentire nequit. Iam iam SVAVISSIME AMICORVM MEORVM! illam percipio, TVQUE benignissime illam auges, dum me documentum gaudii huius, monimento eruditionis ac doctrinae TVAE addere pateris. Inscium doctrinae TVAE, de TVA eruditione iudicare, minime decet. Libentissimo igitur animo hac de re taceo, virosque illustres ac excellentissimos, doctores TVOS eruditissimos vno ore TVAS efferentes laudes audire malo. Modo id mihi concedas quaeso, vt assensus ac laudes a summis haece viris TIBI tributas, largius euulgem. Quantus stimulus ad doctrinas, quae se iam suauitate sua interna commendant summo ardore amandi, si honores illarum comitem esse perspiciamus. Explorauit gratiosa medicorum facultas mores TVOS, vitam eruditionemque, adprobauit, immo admirata est.



est. Nunc iam summis in re medica honoribus, tamquam digno  
praemio, ab illa iustissime ornaris. Numquam, numquam plane  
eueniant tempora quibus eruditioni ac virtuti debita praemia  
denegentur! Felix itaque in patriam nostram dilectissimam, in  
Pomeraniam illam maxime laudandam redi. Rede Sedinum, in  
urbem illam egregiam. Redi in suaues arctissimosque amplexus  
VIRI ILLUSTRIS EXCELLENTISSIMIQUE PA-  
TRIS TVI AMANTISSIMI, fautoris mei benevolentissi-  
mi, optimeque de me meriti; redi ad oscula matris, sororis  
dilectissimae, eiusque mariti honoratissimi ac tot dilectorum af-  
finium et amicorum. Consilium auxiliumque praebecis patribus,  
amicisque nostris, TVAQUE doctrina consule rebus omnium quo-  
rum nomina nobis chara sunt. Mors TVAM fugiat faciem.  
Morbi libenter ac perentissime TVIS cedant armis. Semper a  
Ciuibus Sedinensibus praemia meritorum TVORVM accipias.  
Laudabile est de patria bene mereri, nostraque, vt bene de illa  
mereri studeamus, meretur. Semper, MI AMICE! vale!  
utinam ne gaudium meum discessu TVO turbaretur! Animo ad  
terras satis longe a me nunc remotas semper TIBI comes adero.  
TV vero, quae est animi TVI egregia indoles, amicitiae nostrae  
semper memor eris. Iterum vale. Dabam Halae ad Salam  
die XI. Nouembr. MDCCLXIX.





Ua 4711

ULB Halle  
003 941 760

3




St.

12











an 20 21

DISSERTATIO INAUGURALIS MEDICA  
EXHIBENS  
**OBSERVATIONEM**

DE  
INFLAMMATIONE PEDIS ET ABSCESSU  
FEMORIS  
SUB CURATIONE FRACTURAE FIBULAE ORTIS

QUAM  
PRAESIDE  
MAGNIFICO FRIDERICIANAE PRORECTORE  
VIRO ILLUSTRI, EXCELLENTISSIMO ET EXPERIENTISSIMO  
DOMINO

**FRID. CHRISTIANO IVNCKERO**

MEDICINAE DOCTORE ET PROF. PVBL. ORD.  
PAEDAG. REG. ET ORPHANOTR. HALENS. MEDICO PRACTICO  
CONSTITVTO

**PRO GRADV DOCTORIS**  
SVMMISQVE IN MEDICINA HONORIBVS AC PRIVILEGIIS  
DOCTORALIBVS RITE OBTINENDIS  
DIE XIII. NOVEMBR. A. R. I. CIO DIO CCLXIX.

H. L. Q. G.  
PVBLICE DEFENDET

AVCTOR  
**IOANNES CAROLVS KOCK**

PALAEO-SEDINENSIS POMERANVS.

\*\*\*\*\*  
HALAE AD SALAM, AERE STEPHANIANO.